



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatus De Libertatibvs Ecclesiæ Gallicanæ**

**Charlas, Antoine**

**Leodii, 1684**

Cap. IV. Probatur autoritate Conciliorum Orientalium judicium Summi Pontificis circa quæstiones Fidei esse irreformabile.

**urn:nbn:de:hbz:466:1-38227**

380 TRACTATUS DE LIBERTATIBVS,  
gere debuit? Debuisse videbimus in sequentibus Capiti-  
bus.

20. Idem in octava Epistola, quod in duabus aliis, cum  
proportione observandum. Licet enim varias Classes non ita  
distinctè constitutæ; tamen à diversis, quasi à contrariis,  
plerumque argumentatur; ut cùm probat alios Apostolos à  
Petro fuisse Pastores, & illis dictum; Pasce oves meas; quod  
quidem verissimum est. Sed non inde sequitur Petrum supre-  
num non fuisse Pastorem; nam idcò alius dictum est; Pas-  
ce oves meas, quia Petri, cui uni propriè id dictum est, officii  
ac muneris participes erant?

## C A P U T I V.

*Probatur autoritate Conciliorum Orientalium judicium  
summi Pontificis circa quæstiones Fidei esse ir-  
reformabile.*

1. **A**rgumentum optimum ad probandum judicium sum-  
mi Pontificis circa quæstiones fidei esse irreformabi-  
le, duci potest, ex eo quod nihil unquam à summis Ponti-  
ficibus sit propositum toti Ecclesiæ tanquam fide Divina cre-  
dendum, in quo à Conciliis Oecumenicis reformandum fuc-  
tit eorum judicium; quin etiam eorum sententia, tanquam  
ex Petri Cathedra pronunciata, semper cum reverentia sus-  
cepta fit. Quid enim credere vetat Spiritum Sanctum, qui  
per septendecim ferè sæcula summis Pontificibus res fidei de-  
finientibus sic adfuit, ut eorum judicium à Conciliis Oecu-  
menicis, tanquam fidei omnino consonum, suscepimus fuc-  
tit, in posterum etiam adfuturum, ut irreformabiliter judi-  
cent? Certè periculum mali, quod per tot sæcula nunquam  
contigit, non usque adeò metuendum erat, ut Illustrissimi  
Episcopi Gallicani, omissis veris, & præsentibus Ecclesiarum  
suarum malis, huic incerto, vel potius nunquam futuro,  
remedium præparare curarent, eo præsertim Ecclesiam uni-  
versam regente Pontifice, qui, si quis unquam, maxima  
cum

2. Scio equidem omnes Hæreticos, aliquos etiam ex Ca-  
tholicis, quibusdam Pontificibus errores contra fidem tribue-  
re; sed novi etiam eis ab aliis Catholicis, quorum libri om-  
nium manibus teruntur, fuisse optimè responsum; nec de-  
futuros, qui si novum quidpiam objiciatur, illud pari effi-  
cacia retundant. Sed de hoc infra recurret sermo. Ut autem  
ad propositum redeamus, videndum est, quā se habuerint  
Concordia, præsertim generalia, & Gallicanæ, circa judicia  
summorum Pontificum de rebus fidei.

3. Non utemur Canonibus Concilii primi Nicæni, in edi-  
tionibus vulgaribus non contentis, &c., ut aiunt, ex Ara-  
bia delatis corum discussionem criticorum examini relin-  
quentes, ne in suspicionem veniat jus causæ, dubiis pro-  
lationibus assertæ. Cæterum veritas, instar Solis, ante-  
quam oculis nostris sese exhibeat, non nihil subobscuræ,  
non injucundæ tamen lucis præmittit, quæ paulatim crescit  
usque ad meridiem. Ita licet in antiquis monumentis non  
adē clarè luceant veritates, quæ postmodum diligentius  
investigatae, atque, ut sese obtulit occasio, accuratiū ver-  
sæ, plenam tandem, aut saltem majorem lucem adeptæ  
sunt: non idē tamen contempnenda sunt prima earum vesti-  
gia, præsertim insignia.

4. In Concilio generali Ephesino anno 431. art. 3. Philip-  
pus Presbyter, & Apostolicæ Sedis Legatus nemine contra-  
dicente legationis suæ, ac secum missorum, mandatum in  
hunc modum exposuit, qui indicat autoritatem, ac in fide  
firmitatem à sancto Petro ad ejus successores derivatam; Nulli  
dubium, inq. seculis omnibus notum est, quod sanctus, beatissimusq. Petrus,  
Apostolorum Princeps, & CAPVT, FIDEIQYE COLVMNA, ET  
ECCLESIA CATHOLICA FVNDAMENTVM à Domino nostro Iesu  
Christo Salvatore humani generis, ac Redemptore, claves Regni accepit, sol-  
lendiq., ac ligandi peccata potestas ipsi data est: qui ad hoc usque tempus,  
& SEMPER IN SVIS SUCCESSORIBVS VIVIT, ET IUDICIVM  
EXERCET. Hujus itaque secundum ordinem successor, & locus tenens sanctus,  
beatissimusq. Papa noster Cœlestinus Episcopus, nos ipsius presentiam supple-  
vit, ad hanc sanctam Synodum misit. Quorsum beati Petri mentio,

Bbb 3

nisi,

382 TRACTATVS DE LIBERTATIBVS,  
nisi, ut insinuetur, ejus successores cādem pollere autoritatem, prāsertim dum quæstiones fidei judicant? Quo enim modo FIDEI COLUMNA, ET ECCLESIA CATHOLICA FUNDAMENTVM SEMPER IN SVIS SVCCESORIBVS VIVERET, ET IVDICIVM EXERCERET, si isti toti Ecclesiæ possent, proposito errore, casus, ruinæque occasionem præbere?

5. In Art. 2. Firmus Cæfareæ Episcopus dixit; *Apóstolica & sancta Sedes Cœlestini sanctissimi Episcopi de presenti negotio SENTENTIAM REGVLAM QVE TRÆSCRIPSIT*, quam nos quoque fecuti formam, illam executioni mandavimus, *Canonicum, Apostolicumq; judicium in illum (Nestorianum) preferentes*. Vides sententiam Romani Pontificis tamquam regulam præscriptam executioni mandatam, & beatum Petrum, dum judicia de rebus Ecclesiasticis ore sui successoris pronunciat, humiliiter auditum.

6. Sed ne putas singulares tantum Episcopos ita sensisse; ac dixisse, toto Concilio, saltem suo silentio consentiente, summorum Pontificum, ut beati Petri, sententiam esse suscipiendam: In Concilio generali Chalcedonensi Art. 2. lecta epistolâ sancti Leonis Papæ ad Flavianum Archiepiscopum Constantinopolitanum, in qua Eutychetis doctrinam, ut hereticam damnabat, & fidei orthodoxæ normam præscribebat, Reverendissimi Episcopi clamaverunt; *Hec Patrum fides, hec Apostolorum fides. Omnes ita credimus, Orthodoxi ita credunt. Anathematis, qui ita non credit. PETRVS PER LEONEM ITA LOCVTVS EST, &c.* Sed inquires ita clamatum est, quia revera Episcopi, sancti Leonis doctrinam cum recta fide consentire, judicarunt; hinc tamen regula generalis constitui non potest. Certè hoc, ut supra insinuavi, parum non est, quod in hoc, & in reliquis Conciliis generalibus, sententia summorum Pontificum de rebus fidei toti Ecclesiæ pronunciata, ut orthodoxa suscepta fuerit. Verum hunc judicij Romani Episcopi cum fidei consensum, non cruditioni sancti Leonis, sed ejus dignitati tribendum, id est lumini Spiritus Sancti, beato Petro, eiusque successoribus, ne deficeret eorum fides, à Christo impetrato, non solum ultima illa verba, PETRVS PER LEONEM LOCVTVS EST, significant; sed etiam Synodica ad sanctum Leonem epistola, ubi Concilium eum FIDEI CUSTODEM, & SANCTI PETRI INTERPRETEM appellat, quam,

inquit de fide loquens, ex precepto Legislatoris venientem usque ad nos IPSE servasti, VOCIS BEATI PETRI OMNIBVS CONSTITUTVS INTERPRES. Non est supervacaneum pronomen, ipse: indicat enim Romanum Pontificem specialiter esse vocatum à Christo Fidei Custodem; ET VOCIS BEATI PETRI OMNIBVS CONSTITUTIVM INTERPRETEM: Statim autem Concilium profiteatur se, sancto Leone Autore, Antistite, sive Præside, ea enim est vocis Græcæ significatio, veritatem fidelibus ostendisse. Unde & nos te ut DVCEM militer habentes Ecclesie filii hereditam, sciemus veritatis ostendimus..... quibus tu quidem sicut membris CAPUT praeras, in his, qui tuum tenebant ordinem, benivolentiam presentis, in tercia part. act. Concil. Chalced. cap. 2.

7. Eam Romani Pontificis dignitatem, & autoritatem generatim explicat beatus Petrus Chrysologus Episcopus Ravennas litteris ad Eutychem in 1. par. Act. ejusdem Concilii exscriptis; Quoniam beatus Petrus, qui in propria Sede vivit, & presidet, PRÆSTAT QVARENTIBVS FIDEI VERITATEM. Quomodo vivit & præsidet in propria Sede, nisi quia, ut supra notavimus, ejus successor, in fidei veritate toti Ecclesiæ expoundenda, indeficienti gaudet, sicut ille Spiritus Sancti auxilio, & ductu, ET PRÆSTAT QVARENTIBVS FIDEI VERITATEM.

8. Agatho Papa suum de rebus fidei judicium, etiam ante Concilii universalis acceptationem, irreformabile esse non dubitabat; quandoquidem Legatos ad Concilium sextum generale mittens in secunda quam ad Imperatorem Constantinum Pogonatum, ejusque fratres Heraclium, & Tiberium scriptis epistola, quæque in Act. 4. Concilii recitata fuit, audacter, ac securè pronunciat, se suis Legatis mandasse, non ut quæ ipse cum suo Concilio declaraverat, tanquam dubia, & incerta examinarentur, sed ut certa, & immutabilia publicarentur. Personas, inquit, prævidimus dirigere, non tamen tanquam de incertis contendere, sed ut certa, atque immutabilita compendiosâ definitione proferre. Mox condemnationis sententiam profert in eos, qui traditæ à se doctrinæ contradicerent; Qui vero hec confiteri velacint, ut infellos Catholica, atque Apostolica confessioni perpetua condemnationis reos esse censenus. Quis ita nisi vel imprudentissimus, vel de suæ veritate sententia certissimus, loqui audeat, à Con-

384 TRACTATVS DE LIBERTATIBVS,  
Concilio Oecumenico , si falsa proferret , vel injusta , mox  
redarguendus ? Numquid autem summus ille Pontifex Con-  
cilio visus est nimiam sibi tribuisse autoritatem ? Ejus doctri-  
nam non solùm ut veram , sed etiam tanquam à Spiritu Sancto  
dictatam , & à Beato Petro prolatam se suscipere declaravit ,  
primò Dometius Episcopus Prusiados his verbis ; *Suggeritiones*  
*directas à Patre nostro Agathone sanctissimo Archiepiscopo Apostolica , & pri-*  
*cipitalis Sedi antique Romæ , TANQVAM EX SPIRITU SANCTO DIC-*  
*TATAS per os sancti , ac beatissimi Principis Apostolorum Petri , &*  
*igit prædicti beatissimi Pape Agathonis scriptas suscipio , & amplector , &*  
*ita credo , ita sentio . Totum deinde Concilium sententiam Aga-*  
*thonis in prædicta Epistola contentam amplexum est , & Ma-*  
*charium Patriarcham Antiochenum eam admittere reculan-*  
*tem deposuit .*

9. In prima vero Epistola docet apertissimè Agatho , Ec-  
clesiam Romanam , non solùm in fide non deficere , sed ejus  
etiam esse , reliquas omnes in fide confirmare . *Spirituales over*  
*Ecclesia ( inquit loquens de beato Petro ) ab ipso Redemptore su-*  
*nium ternâ commendatione pascendas suscepit : cuius anniente prefatio his*  
*Apostolica ejus Ecclesia nunquam à via veritatis in qualibet erroris parte de-*  
*flexa est , cuius autoritatem , utpote Apostolorum omnium Principis , semper uni-*  
*nis Catholica Christi Ecclesia , & universales Synodi fideliter amplecten-  
tes , in cunctis secuta sunt , omnesq; venerabiles Patres Apostolicam ejus doctri-  
nam amplexi , per quam & probatissima Ecclesia Christi lumina clarerunt ,  
& sancti quidem Doctores Orthodexi venerati , atque secuti sunt . Hereticis at-  
tem falsis criminationibus , ac derogationum odiis infecuti . Et quibusdam  
interjectis ; Hac est enim VERÆ FIDEI REGVLÀ , quam in ipsi-  
peris , & in adversis vivaciter temnit , ac defendit hac spirititalis Mater vestri  
tranquillissimi Imperii , Apostolica Christi Ecclesia , qua per Dei omnipotens  
gratiam à transe Apostolica traditionis nunquam errasse probabitur , nec  
hereticis novitatibus depravata succubuit . Sed ut ab exordio fidei Christiana per-  
cepit ab Autoribus suis Apostolorum Christi Principibus , illibata fide tenuis per-  
manet , secundum ipsum Domini Salvatoris Divinam pollicitationem , quam su-  
rum Discipulorum Principi in Sacris Evangelii statu est : Petre , Petre , in-  
quiens , Ecce Sathanas expetivit , ut cribaret vos , sciu qui cribrat triu-  
cum : EGO AVTEM PRO TE ROGAVI , VT NON DEFICIAS FI-  
DES TVA ; ET TV ALIQVANDO CONVERSUS CONFIRMA  
FRATRES TVOS . Consideret itaque vestra tranquilla clementia , quoniam*

Do

Dominus, ac Salvator omnium, cuius fides est, qui fidem Petri non defec-  
tus promisit, confirmare eum fratres suos admonuit, quod apostolicos Pontifi-  
ces mea exigitatis Predecessores, considerenter FECISSE SEMPER cunctis est  
cognitum. Non ergo pro solo Petro, sed & pro Petri successo-  
ribus rogavit Christus, ne deficeret eorum fides, ut scilicet  
possent fratres confirmare, si quando in fide vacillarent.

10. Utramque autem epistolam quomodo exceperit Con-  
cilium, testati sunt non solum singulatim aliqui Episcopi, sed  
ipsummet Concilium universum, non solum nihil adversus  
testimonia in favorem sanctæ Sedis prolatæ excipiens, sed &  
submissionem significans his verbis; *Sancta, & universalis Synodus*  
*suscipiens, & expansis manibvs amplectens tam suggestionem,* quo à sanctissimo,  
ac beatissimo Agathone Papa antiqua Roma facta  
est..... adequè amplexa est & alteram Synodalem suggestionem, quo  
missa est à Sacro Concilio, quod est sub eodem sanctissimo, ac beatissimo Pa-  
pa, &c. In epistola ad cundem Agathonem; *Tibi ut prima Sedis*  
*Antiqui universalis Ecclesiæ, quid agendum sit relinquimus, STANTI SV-*  
*PER FIRMAM FIDEI PETRAM, libenter perlectis vero confessionis lit-*  
*tris à nostra paterna Beatitudine ad piiissimum Imperatorem missis, quas ut*  
à summo Apostolorum vertice DIVINE PERSCRIPKTAS AGNOSCIMVS,  
per quam exortam nuper multiplicis erroris hereticam sectam depulimus.  
Confer ista cum iis, quæ suprà ex aliis Conciliis retulimus,  
& observabis quantum inter se concordent in veneranda fidei  
beati Petri soliditate, ejusque in successoribus illius Aposto-  
li Romanis Pontificibus agnoscenda continuazione. Sed pro-  
grediamur ulteriùs, ut veluti perpetua texatur traditionis  
series.

## C A P U T V.

*Idem aliorum probatur autoritate Conciliorum, &*  
*Episcoporum.*

<sup>1.</sup> *Q*uanto cum applausu excepta sit doctrina Adriani I.  
Papæ in epistolis ad Imperatorem, & ad Patriarcham  
Constantinopolitanum scriptis, in actis septimæ Synodi an-  
no 787. habitæ videri potest, scilicet A&T. 2. in qua lectræ  
CCC funt.